



Бундан ўн йилларча илгари бозорларимизда тарвузнинг бир янги тури пайдо бўлди. Чопониям, магзининг рангию мазасиям ўзимизникиларга ўхшамасди. Амриконинг тарвузи экан, дея бошлашди одамлар. Хаммани хайратга солгани — бу ажнабий тарвуз хали ёз росмана кирмай туриб, ўнта-ўнта, йигирмата-йигирмата бўлиб пештахтада кўриниб коларди. Олдинлари мабодо харидор: "Тарвузингиз пишганми?" деб сўраб колса, дехкон ёки сотувчи: "Худо билади, ака, ичига кириб чикмаганман", деб ўзини эҳтиётлаб кўярди. Энди эса, бу ажнабий тарвуз тури чиккач, сотувчи кўлидаги пичокни ўйнатиб: "Кепколинг тарвузнинг додаҳўжасига! Луб-бой нарез! Кизил чикмаса, пул тўламанг!" деб катта кетадиган бўлди.

Чиндан хам, кесган тарвузи кизил чикар эди.

Сабабини бир-икки йилдан кейин билгандай бўлдим. Бир дехкон танишим сирини очди: "Амрико айёр-да, хамаклигиданок ранг кирадиган турини яратибди, — деб изох берди. Кейин бир оз ўйланиб туриб: — Лекин барибир мазаси жуда унака эмас. Сайилга бораман десангиз, чилланинг ўрталарида боринг, ўшанда росмана маза киради", деб кўшиб кўйди.

Мазаси жуда унака бўлмаса хам, янгилик деб одамлар ола бошлади, ишибозлари кўпайди ва аста-секин бу истарасиз кўкчипор тарвуз бозорларимизни тўла эгаллаб олди. Шахсан ўзимга келсак, бу тарвуз пайдо бўлган кундан менга ёкмаган. Рангиям, мазасиям. Илк кўрганымда ранги канакадир сунъий кизил туюлган бўлса, мазаси хам ўзимизнинг мармар, аштархон, кумсангир, олачопон, корачопон... тарвузларимизнинг табиий мазаси ўрнини босолмади, назаримда. Лекин, тан оламан, бу тарвуз кўпчиликка ёкди, хамма хар жойда шуни ея бошлади ва тез орада ўзимизнинг жайдари тур тарвузларни эсдан чиқариб кўйди. Рангиниям, мазасиниям...

Пойтахтнинг Чорсу бозорига бир дехкон ёз охирларида мармар тарвуз олиб кирди. Менга ўхшаб кўкчипорни емай, ўзимизникини кутиб юрганлар бор экан, кўзларимиз кувонди. "Нимага бунга экмай кўйдиларинг, кута-кута бу йил хали тарвуз емадик?" деган сўрогимизга дехкон: "Олсаларинг, экаверамиз, одамлар олмаяпти-да. Сўйдириб кўради-да, унча пишмабди, деб кетворади", деб жавоб килди. Чиндан, "мармар" бир оз окиш кизил бўлади ва унинг пишгани шу. Амрико тарвузи эса, куюк кондай кип-кизил бўлгани билан бу кизиллиги сунъийдир. Дарров унутибмиз-а...

Хандалакни кутиб

Илгари ота-боболаримиз: "Ковун-тарвузнинг уруги ерга тушди — куз келди", дейишар эди. Бундан хакикий жайдари тур ковун-тарвузларимиз кузак якинлашганида пиша бошлагани ва ейилгани билинади. Холбуки, эндиликда хали бахор охирламаёк, масалан, хандалакнинг чикишини кутиб-согиниб турган бир пайтимизда, лоп этиб бу айёр тарвуз пештахталарга чикиб кетяпти! Яъни, одамлар огзи хали хандалакка тегмай туриб, тарвуз еб кўйяпти.

Тўгри, илм-фан тўхтаб турмади, бошка сохаларда бўлгани каби, дехкончилик илми хам роса ўсди. Олимлар экинларнинг тезпишар, серхосил, касалликка чидамли турларини топиш учун тинмай изланишяпти. Дехконлар хам караб тургани йўк. Иложи борича тезрок бозорни эгаллаш, ракобатда ютиш ва кўпрок пул топиш истаги уларни хам тинч кўймапти. Натижада йилдан-йил уруглар сараланиб, айникса полиз экинларининг пишиш муддати кискариб боряпти. Бу холни тан оламиз ва, агар табиийлигини бузмасдан янги турлар яратилаётган бўлса, факат кўллаб-кувватлаймиз.

Аммо хамма гап ўша табиийликнинг бузилаётгани, хатто, Олмониянинг "Focus" журнали далолатига кўра, инсон саломатлигига нихоятда хатарли бўлган усуллар билан "янги навлар" яратилаётганидир: «Ирсий чатиштиришлар турларарогина эмас, балки оилалараро, синфлараро, хатто хукмрон турлараро (м., ўсимлик билан хайвон организмлари, курт-кумурска билан ўсимлик, хайвонлар билан хашаротлар, баликлар билан ўсимликлар... ирс (ген)лари ўзаро аралаштирилиб) амалга ошириляпти. Яъни, табиатнинг асосий конунлари бузиляпти. Олдинлари ейиш мумкин бўлмаган организм (м., вахший хайвонлар, захарли ўсимликлар, хашаротлар, бактерия ва микроблар в.х.) ирс-ларидан ирс ташувчи сифатида кўлланиляпти. Вахоланки, бу каби изланишлар узок муддатли тест текширувларидан ўтказилмади. Бу махсулотлар истеъмол учун кай даражада фойдали ёки зарарли эканини хеч ким билмайди... Канадалик молекуляр микробиология бўйича профессор Жон Фаган бундай дейди: "Бугун чатиштирилган ирс (ген)ларнинг овкатларда кўлланиши худди ўриснинг рулетка ўйинига ўхшайди: сўнгги натижа маълум эмас..."» ("Focus", "Копконга кўйилган текин пишлок")*.

Журнал яна гувоҳлик беришича, совукка, муддатга, йўлга чидамли навини яратиш учун памилдорига акула ирси, колорадо кўнгизидан химоя килиш учун картишкага чаён ирси, курт тушишидан саклаш учун олма-нокка курт ирси чатиштириляпти ва хоказо, бодрингга чаён, тарвузга одам, кўйга чўчка...

Бунака хавфли йўллар билан яратилган "сер- хосил", "тезпишар" навлардан албатта одам чўчийди-да. Биз янгиликка хеч хам карши эмасмиз. Аммо бу "янгиликлар" канака янгилик эканига, сабаб ва окибатларига эътибор каратмоқчимиз, холос.

Бизнинг диёрларимизда мева-чеваларнинг иклим шароитимизга мос катъий пишиш-етилиш тартиби бор эди. Ота-боболаримиз кишдан чикарда дарахт меваларидан: олдин тут ерди, кейин эртапишар гилос, олча, сўнгра олманинг эртапишарини, ўрик, шафтоли ва хоказо... буёги кечки меваларга уланиб кетарди; полиз экинларидан: олдин кулупнай (гарчи у кейин пайдо бўлган мева бўлса хам), кетидан бодринг, хандалак, памилдори (бу хам биз учун нисбатан янги ўсимлик), ковун-тарвуз ва хоказо... Шу тарика

тана-вужудларини кишки очликдан халос этиб, муайян бир кетма-кетликда хар хил зарур дармондорилар билан тўйинтириб борарди. Бу жараён (дармондориларга тўйиниш жараёни) вужуднинг табиий эhtiёжига кўра, керакли муддатларда ва табиий мевалар хисобига юз берар эди. Энди-чи?

"Болалигимдаги хандалаклар йўк. Кани у ис? Кани у таъм?" деб бир гал кўмсаб гапирсам, зукко акаларимиздан бирлари бундай изох бердилар:

"У пайтлар меваларни ўз вақтида ердик, хозир баъзи ковун-тарвузлар хандалакдан олдин пишяпти... тўгрироги, пишириляпти. Ковун-тарвуз еб кўйган огизга хандалак мазали туюлармиди?! Колаверса, карияпмиз, таъм билгич хужайраларимиз ҳам карияпти..."

Хужайраларимиз кариётгани чин, лекин хандалак масаласида биринчи айтилган сабаб кўпрок "айб"ли эканини тан олишимиз керак...

Бозор ва ватанпарварлик

Мен бир нарсага хайронман: бунча киска вақт ичида амрико тарвузи полизларимиздан, бозорларимиздан деярли барча махаллий-жайдари тур тарвузларни қандай сиқиб чиқара олди? Бу сурбет уруғлар шу қадар қудратлими, борган жойида факат галаба қиладиган?!

Тўгри, бозорда ватанпарварлик туйғуси хамиша ҳам бўлавермайди. Агар давлат аралашмаса ёки бўш кўйиб берса, бу зарур туйғу ўрнини пулсеварлик туйғуси эгаллаб олади ва ватанпарварлик тугул, тесқари ишлар ҳам бўлиб кетади бозорда. Бу аралашиб бозорни чеклаш хисобланмайди, балки халқ манфаатини, мамлакат манфаатини, хатто хавфсизлигимизни таъминлаш бўлади. Масалан, эркин бозор сиёсатини тарғиб-ташвиқ этаётган ўша Гарб давлатларининг ўзини олиб кўрайлик. Улар ҳам ички бозорларини мамлакатлари манфаатига уйғун ҳолда ушлаб-бошқариб туришади. Четга, айниқса, энди ўсиб келаётган мамлакатлар бозорига сифатли сифатсиз молларни тўсиксиз олиб кириш учун "эркин бозор" гоёсини зўр бериб тикиштиришларига, хатто бу йўлда турли йўллар билан босим ўтказишларига қарамай, ўз ички бозорларини қаттиқ туриб химоя қилишади. Товар бир хил бўлса, махалли-йига имтиёз беради, четдан кирмокчи бўлаётган мол йўлига сифат, устама бож сингари талаблар билан тўсиклар кўяди. Дейлик, автомобил ишлаб чиқарувчи бир мамлакат халқига биринчи навбатда ўзининг мошиналарини ўтказиш учун четдан қирадиганларга бож ҳақини ошириб кўя-ди. Ва бундай чорага ҳақлидир ҳам. Худди шунинг-дек, махаллий саноатни шакллантириш ва ўстириш учун, масалан, Хитойнинг сифатсиз пойафзали, кийим-кечаги йўлига тўсик кўйиб, Андижон қосибчилик мактабини, Кўкон кийим-кечак саноатини рағбатлантириш айна халқимиз манфаатига мос тушади.

Шу усулни дехқончилик (уруғчилик) соҳасида ҳам қўллаш керак. Агар бугунги кетув ўз холига ташлаб кўйилса, эртага кеч бўлади. Хозирнинг ўзида, масалан, памилдорининг турли-туман махаллий уруғлари бозорда қолмади — эқилмаяпти. Хаммаёқни Амриконинг қаттиқ, сувсиз-мазасиз, ирсияти ўзгартирилган памилдорилари босиб кетди. Бу йил хартуғул жайдари бодринг ҳам кўришиб турди, лекин янаги йили нима бўлади — Аллох

билади. Ёз ўрталаридан ўтиб, кузга келибгина Тошкент бозорларига памилдорининг "Юсупов" нави чикди, олиб ея бошладик. «Олмаки» ёки «Ўзбекистон» навлари умуман кўринмади ҳисоб. Бизга нима бўлган ўзи, дунё емагида-ичмагида маза истаб, дармондори истаб, табиийлик истаб диёрларимизга келяпти, биз бўлсак, фитрати бузилган, ясама – табиатнинг эмас, "илм-фан"нинг "мевалари"га ишкимиз тушиб колди?!

Курумсок милёнер

Ёз охирлари эди. Ишхонамизга бир танишим, унга илашиб бир бегона йигит ҳам кириб келди. Сухбатлашиб ўтирдик. Гап айланиб, бозор-ўчар, мева-чевага такалди. Хозир бутун Оврупада ирсияти ўзгартирилган махсулотлар масаласи кўтарилгани, каттик тортишувлар кетаётгани айтилди. Шу дамгача индамай ўтирган халиги бегона йигит бирдан сўзга киришиб, амриколик катта бир бизнесменга шопирлик киладиган ўртогининг хикоясини гапириб берди:

"Хўжайин билан бозорга кирсак, олма-нок керак бўлса, сархилини олмайди, яқинигаям йўламайди, нукул буррак-суррагини, курт тушганларини олади. Ўзи милёнер-у, жуда курумсок. Тагинам ўзимизнинг халкимиз сахий экан, меҳмонга деса, бор-будини сарфлаб бўлсаям тозасини кўяди дастурхонга", деган экан ўртоғи.

Оврупада кечаётган машмашаларни эшитиб, меҳмон шошиб колди.

— Гап бу ёқда экан-да... – деди хайратланиб.

Ха, ўлманг, биродар! Милёнернинг бозордаги килиги унинг курумсоклигидан эмас, меванинг асилини ва тозасини билишидан, табиийини кадрлаганидандир. Бизнинг у "сархил" олма-нокларга бор-будимизни сарфлаётганимиз сахийлигимиздан эмас, ирси ўзгартирилган ясама меваларни хали-хозирча яхши танимаётганимиздан, ўзимизнинг жайдари, табиий, фойдали ва ниҳоятда мазали (балки шунинг учун курт тушадиган) меваларимизнинг хақикий баҳосини билмаётганимиздандир!

Бозор ҳам хозирча маҳаллий мева-чеваларимизнинг кадрини билмаяпти. Билганида, юртимизга четдан пахмок тўрхалтачаларда (лекин худди микроблар сингари сездирмай) бостириб кириб келган у сохта мевалардан кўра ўзимизнинг табиий, жайдари меваларимизни кадрлаган бўлар эди. (Овунтирадиган бир хол: бу йил жайдари кулупнай "ясама"ларидан сал кимматроқ бўлди!)

"Олдиндан оккан сувнинг..."

Чиндан, олдимиздан оқаётган сувнинг кадрини ўзимиз билмаяпмиз. Юз йигирма йиллик мустамлака шароитида онгу юракларимизга мутелик-хорлик руҳияти шу қадар ўрнашиб колибдики, яхшими-ёмонми ўзимизга хос хусусиятлар ҳам бўлиши мумкинлигини ва бу хусусиятлар яшашга ҳақли эканини унутиб юборибмиз. Ўзимизни паст, ўзгаларни юқори,

Ўзимизни оркада, ўзгаларни илгор, ўзимизни факат эргашувчи, ўзгаларни етакловчи хис килиб қолибмиз. Натижада бугун юртимизга, хонадонимизга хар канака (кийим-кечагу асбоб-ускунадан тортиб, ёт тил ва ёт маънавийларгача) каланги-касанги товар бемалол бостириб кириб келяпти. Яхши-ёмонини фаркламай қабул қиляпмиз. Четники бўлса бўлди. "Ўзимизники!" деган гурур йўқ. Хатто тилда ҳам, адабиётда ҳам, илмда ҳам, ахлоқда ҳам, уй-жой қурилишию (евроремонт, евростандарт!), мана, энди дехкончиликда ҳам — ҳамма сохада шу кайфият ҳукмрон; ўлчовлар бегона. Бу тушқун ҳолатдан қутулиш чораларини тез ахтармасак, миллатимизни миллат қилиб турган ўзак хусусиятларимиз емирилади. Аллох сакласин.

Кичкинагина бир мисол. Бундан ўн беш йиллар бурун бирдан узунчок нонларга ишкибоз бўлиб қолдик. Қандайдир суюқ ҳамирдан тайёрланган қучсиз, гоzi йўқ пўкак нонлар ўзимизнинг сўлқилдоқ тандирнондан чиройли кўринди кўзимизга. Мамлакат "Докахлеб"ларга тўлиб кетди. Холбуки, юртимиздан кўчиб кетган битта яхудий бу пайтда Нуййорк кўчаларида тандир ўрнатиб олиб, иш ахтариб борган ўзбекларга нон ёптириб, қарсиллатиб пул ишлаб ётибди! Нега деганда, тандир ҳам, тандирнон ҳам буюқ, дунё-да ўхшаши йўқ кашфиёт эканини у билади! Биз бўлсак, янгича шароитда бу кашфиётни янада ривожлантириш, янги технологиялар асосига ўтказиш йўлларини излаш ўрнига капиталистларнинг пўкак нонига ошиқ бўлиб қолдик...

Хайрият, тандирнонимизнинг афзаллигини тез орада тушуниб етдик. Лекин барибир бу нонни ёпиш усулларимиз хали ҳам ўша-ўша даражада – ота-боболаримиз кашф қилган ҳолида қолиб кетяпти.

Шунга қиёсан қарасак, бугун далаларимизда тўла ҳукмронликни памилдорининг, бодринг-нинг, тарвузнинг, олманинг, нокнинг факат бир турига — ўзидан уруғ қолдирмайдиган, ясама ва эҳтимол, саломатликка зарарли турига бериб қўйиш оқибати ўйланмаган иш бўлар эди.

Диккат, огоҳ бўлайлик! Оқибат нима бўлиши мумкин?

Дунёдаги бор тирик мавжудотнинг табиий ҳаёти битта мазмунга – уруғ (насл) қолдиришга боғланган. Шундай хусусият билан яратилган улар. Улкан дарахт йил бўйи жимитдеккина уруғ учун ишлайди. Олма дарахтининг ёки тарвуз палагининг мақсади инсонга олма ёки тарвуз мевасини пишириб бериш эмас, балки ўзидан насл-уруғ қолдиришдир. Бу уруғларни хилма-хил шакл-ли ва турлича мазали мевалар ичида етилтириш қонуниятини йўлга қўйиб, уларни инсон наслининг давомийлигига сабабчи неъмат қилиб бергани Аллохнинг хикматидандир. Демак:

Биринчидан, уруғ қолдириш қобиляти ўлдирилган, ирсияти ўзгартирилган маҳсулотларни кўпайтиришда ва дунёга ёйишда ХАЁТ деб деб аталмиш бебаҳо неъматнинг табиий мувозанатига жиддий хатар бор.

Иккинчидан, ўзидан уруғ қолдирмаслик хусусияти сурункали истеъмол натижасида инсон вужудига ҳам сингиб, охир-оқибатда одам ҳам насл қолдириш қобилятини йўқотиши мумкин.

Учинчидан, саратон ва семириш касалликларининг кўпайишига сабаб бўлиш эхтимоли кучли. Ўтган йилги маълумотларга караганда, АКШда 59 милён киши ёғ босиш касалига чалинган. Бундан бор-йўги ўн йиллар бурун бу касалликка чалинганлар хозиргидан тўрт баравар кам бўлганини ҳамда айтиш мумкин бўлган асрнинг 80-йилларидан бошлаб пештахталарни ирсияти ўзгартирилган махсулотлар эгаллаганини хисобга олсак, шу далилнинг ўзи одамни ўйлаб кўришга мажбур қилади.

Тўртинчидан, аюла, чаён, чўчка, курт-ку-мурска, хар хил микроблар, пашша каби жониворларнинг ирсияти (гени) чатиштирилган меваларни давомли ейиш окибатида болаларимиз ва невараларимиз эртага жабра ёки дум, канот ёки туёк билан тугилмайди, деб хеч ким кафолат бера олмайди. Чунки бу уругларнинг тиббий асоратлари лаборатория шароитида махсус тахлил килинмаган ("Focus").

Бешинчидан ва балки энг мухимини "Focus" журнали бундай тушунтиради: "Сиз уруглик ишлаб чиқарувчи ширкат (ва мамлакат)ларга буткул қарам бўлиб қоласиз. Бундан кейин сиз ўз хошишингиз билан эмас, балки уларнинг ҳукми билан ишлашга мажбур бўласиз.

Хар йили экиш учун улардан уруг сотиб олишга мажбурсиз, сизда танлаш имкони бўлмайди, қандай уруг беришса, шуни оласиз, чунки ўзингиздаги табиий уруглар йўқ бўлиб кетган. Эътибор беринг, чатиштирилган уруг ишлаб чиқарувчилар бошда бу уругларини сизга текинга таклиф қилишади. Обдан шу уругликдан фойдаланишга ўтиб, кўлингиздаги (мамлакатингиздаги) экологик тоза, анъанавий уругларни йўқотиб бўлганингиздан кейингина уларнинг баҳосини англайсиз, қадрига етасиз. Ирсияти чатиштирилган уругликлар сизга неча пулга тушганини ўшандагина тушунайсиз. Нима учун улар уругларини бошда текинга беришларининг сабабини энди англагандирсиз? Ҳа, текин пишлоқ фақат қопқонда бўлади".

Бундай уругликлар ишлаб чиқарувчи "Monsanto" ширкати Амрико кишлок хўжалиги вазирлигига эмас, балки мудофаа вазирлигига тобе экани, яъни, бу ясама уругларни дунёга ёйиш вазифасини мудофаа вазирлиги елкасига олгани ҳам изоҳга ҳожат қолдирмайдиган бир ҳолдир.

Кичкинагина хулоса

Энг лўнда хулоса шуки, бу ишларнинг таги шилта. Шилта бўлмаса, бу масала хозир бутун Оврупада, балки бутун дунёда бунчалик ("EURONEWS" кўрсатувини кузатиб боринг) киз-гин тортишувларга сабаб бўлмас эди. Демак, хали кеч бўлмасидан туриб, биз ҳам бу муаммога эътиборимизни қаратайлик. Қанлар Академияси, Кишлоқ хўжалик, Соғликни сақлаш вазирликлари, Аграр университети, Уругчилик илмий тадқиқот институти ва бошқа мутасадди идоралар уругчилик соҳасида дунёда ва мамлакатимизда юзага келган вазиятни жиддий тахлил қилиб, илмий хулосаларини берсинлар. Шунга кўра биз хотиржам ҳалта кўтариб бозорга тушайлик.

Қолаверса, тобора дунёни эгаллаб бораётган ясама уруглар ҳақидаги тортишувлар қандай натижа билан тугашидан қатъи назар, асрлардан бери тупроқларимизга мослашган ва ота-боболаримиз асраб-авайлаб, бизгача етказиб келган ўзимизнинг жайдари уруглар кейинги қисқа вақт ичида, шундоққина кўз ўнгимизда, йилдан-йилга

Йўқолиб бораётгани ниҳоятда ачинарли холдир. Бу йил ҳам бозорларимизда эски нав бодринг-памилдори ё тарвузлар яккам-дуккам кўринди. Кўзларимизга суртиб, уйларимизга олиб бордик, болаларимизга едирдик, эслатдик, танитдик. Лекин эртага-чи? Эрта бир кун тагин кўлда бўш халта билан, бозорнинг кок ўртасида, бир хил бодринг, бир хил памилдори, бир хил олма, бир хил нок, бир хил тарвузлар куршовида, тевааракка олазarak қараб: «Ўзимизнинг "мармар"у "аштархон", "олачопон"у "қорачопон"лар қани?! Нашватию жоноқи, "олмақи"ю "Ўзбекистон" қани?!» деб қолмайлик.

Нуруллох Муҳаммад РАУФХОН